



AMSTELODAMI, Typis Joannis Janssonij à Waeberge et Elizei Weyerstraet 1665.

Mirus e-  
ventus in  
Helvetia.

bus commorari *Agricola* citato Libro docet, ibi que ab iis qui halcyonum nidos querunt, non infreque inventas fuisse, eo situ, quem supra descripsimus, videlicet semimortuos. Mirum est, quod *Cysatus* in *Helvetia* descriptione narrat, cum Lucernæ fundamenta pro curiae fabrica foderent, circa Natalitia Christi festa, in cuniculum incidisse, ex quo ad viginti hirundines evolarunt; quæ res omnes attonitos reddidit, cum ubinam in tam profundam fossum penetrarint, compere non potuerint; sed uti in hunc usque diem, quomodo fese, & ubi se abscondant, ignotum est, ita quoque occultas vias, quibus fese intra subterranea loca abundant, ipsæ solæ Natura Magistra neverunt.

Ex his itaque patet, non omnes hirundines transmigrationem amare, sed aliquas tantum; reliquas verò pro diversis hirundinum speciebus, alias montium latebras, quædam arborum concavitates, plerasque in septentrionalibus potissimum locis in fundum lacuum sedimittentes; ut proinde admirabilem DEI Opt. Max. in hujusmodi animalibus qua dirigendis, qua conservandis providentiam satis mirari non queam: neverunt illæ exactissime tempus, quo subducere se, & quo reducere se debeant. Quomodo verò intra aquas cavernasque montium semestri spatio vivant, difficile inventu est, nisi dicamus eodem prorsus modo, quo ursos, mures Alpestres & glires supra vivere diximus, ex proprii videlicet temperamenti tum constitutione, tum succi naturalis quo turgent suetu; Etsi enim inventæ mortuæ videantur, mortuæ tamen minime censeri debent, cum à privatione ad habitum non detur regressus; sed sopiae tantum, calore radicali intus interim necessariis mediis ad animam conservandam aptis operante, quemadmodum supra de ursis & gliris diximus. Cur verò deplumes fere reperiantur, causa est, quod calor ex circumferentia ad centrum retroactus materiam illam, quæ alias in pennas abire solet, jam in animalis nutrimentum intrinsecum destinet. Quod verò in aquis vitam conservare queant, id naturali temperamenti constitutioni adscribendum est; Cum enim vita in calido & humido tem-

peramento consistat, fundus autem lacuum hyeme calidus sit, uti & montium speluncæ, facile humido calido circundatae vitam, quamquam actionibus solitis ineptam otiosamque, usque ad constitutum tempus transfigunt, donec extrinseco calido prævalente ad actiones solitas denuo animentur.

Mirum tamen est, simile quid ciconiis accidere: Nam uti *Gervasius Tibelesius Arelaten-sis Regni Marescallus ad Ottoneum IV. Imperatorem* scribit; In lacu quodam Arelaten-si ciconias hirundinum more conglobatas inven-tas esse; cui adstipulatur *Fulgo-fus l. i. c. 6.* similes ciconiarum glumos in quodam juxta Me-tas latu in Lotharingia repertos esse refert.

Atque hæc sunt, quæ de subterraneis Animalibus, nobis cognitis, dicenda existimavi; De iis verò, quæ in vastissimis subterraneorum regionum recessibus habitant, utpote de quibus nihil compertum habeamus, consultò si-lēmus: Eſſe tamen & pisces & alia animalia, varia nos exempla docent; Nam ut *Plinius* scribit, cum in Græcia magnus terræmotus exortus esset, terra aperta ingentem piscium copiam unâ cum flumine ejecit, qui pisces haud dubiè in subterraneo aliquo flumine ori-ginem suam habuerunt. Eſt & in Carniola prope Labacum campus ingens, ex quo quot annis verno tempore tanta aquarum copia unâ cum piscibus erumpit, ut intra paucos dies campum in Lacum pīcibus refertum commutet. Sed hæc in primo Tomo latius pro-secuti sumus. *Cysatus* supra allegatus hisce ad-stipulatur: Flumina, inquit, sunt in Helvetia, quæ ex montium antris evoluta à Majo usque ad Septembrem ferè fluunt, reliquo anni tempore à fluxu desistunt: addit, flumina post primam aquarum è montibus evolutionem, statim pīcibus re-pleri, apertum signum, eos è subterraneis aquis unâ cum flumine erupisse. Quemadmodum igitur in subterraneis five lacubus five fluminibus pisces omnis generis vivunt, ita quoque alia animalia terrestria ibidem degere, uti omnia murium supra recensitorum genera, serpentes quoque dracunculosque, & reliqua denique, quæ ex putri natales suos fortiuntur, haud inverisimile esse putamus.

Ciconiis  
idem acci-  
dere sub-  
inde soler-

In lacu  
Arelaten-si  
Ciconiæ  
sub aquis  
reperte.

Pisces in  
subterra-  
neis flumi-  
nibus.

Lacus La-  
bacensis  
mira.

In Helve-  
tia pisces  
subinde  
cum ma-  
gna aqua-  
rum copia  
ex monti-  
bus erum-  
punt.

Quomodo  
hirundines  
intra a-  
quam vi-  
vere queant.

Cur de-  
plumes re-  
periuntur.

## C A P U T II.

### *De Draconibus Subterraneis.*

**M**Agna inter Authores de Draconibus alatis controversia est, utrum verè in natura rerum hujusmodi animalia extiterint; utrum, quemadmodum multa alia, fabulosis narrationibus adnumeranda sint; Nam & ego sanè diu multumque utrum similia animalia extiterint unquam, anceps hæsi; donec tandem ex varia Authorum omni exceptione majorum lectione, quin & oculatorum virorum testimonio ab hac dubitatione facile me removeri passussum. Quoniam verò hujusmodi monstruosa animalia in subterraneis antris ut plurimum natales suos nidosque fortiuntur,

ea tanquam nobile instituti nostri argumen-tum, subterraneis belluis jure merito adnu-meranda duxi.

Non nescio, duplex hujus animalis genus ab Authoribus recenseri, alatum unum, sine aliis alterum. De posterioris generis animantibus nemo dubitare aut potest, aut debet, nisi quis forsan Sacris Literis contradicere audeat quod nefas esset dicere, ubi apud *Danielem 14.* aperte de Bel dracone à Babyloniis cultu divino prosecuto, mentio fit, variisque aliis in Sacris Literis draconum mentio fit: *Dracones & omnes abyssi*, ex quo loco aperte colligitur, hujusmodi

De Draco-  
nibus ar-  
gumen-  
tum mini-  
me fabulo-  
sum est.

animalia in abditis terræ abyssis stabulari, & ubi exitus illis concessus fuerit, subinde magno hominum animaliumque detimento è suis latibulis emergere, Venio ad profanas historias.

Historia  
variae de  
draconibus.

Draco in  
Musæo  
Barberino-  
rum.

Dracones  
alati Æ-  
gypti.

Dracones  
à SS. oc-  
cisi.

*Aristoteles*, tempore *Philippi Macedonis* duos dracones in vicinorum montium antris latitasse, tanta veneni virulentia, ut nemo sine vita periculo inde transire posset; sed de hisce enormis magnitudinis draconibus, seu potius serpentibus, uti ubique & potissimum in Æthiopia, India cæterisque Zonæ torridæ subiectis locis hodierno tempore à diversis Archinautis deprehensi sunt, ita quoque nulli dubitandum est. Spectatur adhuc Romæ in Musæo *Francisci Cardinalis Barberini* similis draco mento infartus, quindecim palmorum longitudine, uno latus, dupli dentium ordine formidabilis. De alatis draconibus tantummodo inter Authores lis nata est, quorum plerique eos fabulosos esse prouinciant; sed hi omnium temporum historiæ & oculatæ experientia contradicunt. Dracones alatos parvos, magnos, maximos nulla non ætas in diversis Terræ partibus produxit. Vide *Card. I.7.de subt. c.29.* de alatis draconibus, quos ipse confixisse se dicit in Musæo *Gulielmi Musici* Parisis. Hic addenda est Authoritas *Bellonii*, integra alatorum draconum cadavera diligentissime condita se vidisse in Ægypto narrat; erant autem, ut ipse refert, circa alcum crassi, duobus pedibus & aliis totidem, more vespertilionum integrati cum cauda anguina; Imò hujus farinæ draconum cadavera condita, sibi à *Gabriele Barbaro* & *Francisco Cretensi* communicata, in Musæo suo conservare, *Aldrovandus* dicit. Ann. 1551. binis pedibus, unguibus armatis, & totidem atriculis erant referata, foeta squamis viridibus & subnigrantibus, insuper alas ad volandum idoneas gestabant, cauda longa & intorta, subluteis squamis tecta; rictus dentibus acutis muniebantur, & quamvis haec non adeo insitæ magnitudinis fuerint, poterant tamen in eam, quam paulò post trademus, molem, excrescere cum tempore; cum quemadmodum & crocodili, ita & hujusmodi monstra, semper crescere perhibeantur.

Qui plura de Draconibus desiderat, legat *Ælianum, Olauum Magnum, Pausaniam, Plinium*. Dracones vero Sanctorum meritis five fugatos five occisos videat *Lector* apud Hagiographos. De Dracone in Taurica Chersoneso *Deipara* meritis occiso, vide apud *Matthiam à Michon*. In vita Sanctæ Margarite de Dracone horrendo ejus meritis interempto apud *Suriuum*. In vita Sancti *Hilarionis*, de dracone ingenti ab eo igni tradito apud *S. Hieronymum*. In vitis Sanctorum *Donati Episcopi, Ioannicii Abbatis, Sylvestri & Leonis IV. Pontificum Romæ, Arfaci Nicomediæ, Theodori, Marcelli, Crescentii* apud *Suriuum, Metaphrasten, Sozomenum*, aliosque, qui omnes monstrorum extinctorum fuisse perhibentur. Consulat item *Fulgo sum, Diodorum, Orosium l.4.c.8. S. Augustinum* Pf. 348, Utrum tamen omnes hujusmodi dracones alati fuerint, non constat. Quare jam ad

historias progrediamur, quibus dracones alati exactè non bipedes tantum, sed & quadrupedes describuntur. Helvetiam ob remotissimos alpium recessus antrorumque inaccessorum multiplicem copiam draconibus alatis tanquam in nullo hominum vestigio frequentatis locis, quibus gaudent, olim habitasse, & etiamnum Patrum nostrorum memoria visos esse, docet primò *Cesnerus*, post ipsum *Stumpfius*, & hoc tempore *Cyathus* in *Helvetica* Urbium descriptione, ut proindè de incredibili horum monstrorum veritate dubitare nemo possit. Sed venio ad alteram partem de Draconibus volantibus, quos ingenti alarum remigio æra fulcare historiæ referunt; & ut à minoribus incipiā, alatos serpentes esse, Ægyptis adeò innotuit, ut eos etiam hieroglyphicis suis inferuerint. Præterea in hunc usque diem ex Arabiæ partibus post inundationem Nili peractam, alatos serpentes advenire, ad insecta, quæ ex putri remanentis limi materia, magnâ copiâ nasci solent, devoranda; & *Plinius, Elianus, Solinus* confirmant..

Anno 1660. mense Novembri, Lanio quidam Romanus dum aucupi causa in palustris maritimis oræ partes se se conferret, ecce loco avium palustrium, draconem grandioris vultoris magnitudine obvium habuit, qui volucrem arbitratus, sclopum contra ipsum exoneravit, quo ala læsâ ita belluam exacerbavit, ut statim præcipiti quâ cursu qua volatu, de hoste se vindicaturus, venatorem invaserit, is denud exploso sclopo guttur ita disruptus, ut statim occubuerit, sed five virulento sanguinis fluxu, five halitu infectus, domum reverlus eadem nocte mortuus est, toto corpore diffusione veneni viridis. Quæ res insolita uti toti urbi accidit, ita quoque relatione morientis curiosior quispiam instructus, locum certaminis adiit, draconemque jam putrefactum invenit, ut tamen redux rei gestæ veritatem contestaretur, secum caput draconis attulit, quod dum hæc scribo, mihi allatum fuit à peritissimo Domino *Hieronymo Lancia*, Musæi *Card. Barberini* præfecto, quod & à me diligenter examinatum veri draconis caput esse, repertum fuit, dupli dentium serpentino rictui insertorum ordine, bipes erat, contrario tamen situ monstruosus, cartilagineis anserum instar pedibus instructus & omnibus in meo Musæo spectandum exhibetur. Typus Draconis hic est.

Basiliscos ex ovo galli veteris nasci alatos, adeò hodierno die innotuit, ut quis temerarius haberi censeatur, qui ea negare insolentem velit. Vide quæ de his fusè egimus in *Diatribe de prodigiis Crucibus*. Quemadmodum nonnullæ exiguæ erucæ in alas animantur, ita quoque vermes nonnulli dum continuo in ingentem molem excrescent, tandem quoque ex dispositione materiæ assumptis alis in volucribus quadrupedes συλλογεύσασι agunt. Atque hi sunt dracones illi horrendi & alati, de quibus agimus. Legitur in vita *S. Maria Magdalene*, cum occultiorem solitudinis secessum

Helvetia  
olim dra-  
conibus  
alatis sca-  
tuit.

Dracones  
alati à Vena-  
tore in  
campis Ro-  
manis oc-  
cisis.

Basilicus  
ex ovo gal-  
li natus.

quæ-

## DE ANIMALIBUS SUBTERRANEIS.

91

Spelunca  
S. Marie  
Magdale-  
nae primo  
draconis  
cubile  
erat.

Tarasci  
ope S. Mar-  
tha occi-  
ditur.

quæreret, Marsilia relicta in scopulosum quendam tractum, quinque indē leucis diffisum, quem hodiē Sancte Beaume vocant, in præcessi montis speluncam, in quam non nisi Angelorum ope deportari poterat, concessissimē, ubi horridum & inusitatē magnitudinis draconem cum offendisset, mox eum illinc abire, in nomine Christi præcepit, qui Sancta percussus imperio, avolans in locum defertum ad Rhodanum, ubi Sancta Martha tunc temporis commorabatur, decessit, qui & ejusdem Sanctæ ope instantibus indigenarum precibus, ob ingentia quæ inferebat damna, à Sancta captus, funibus ligatus, atque in eum locum, qui postea Tarascum appellatus fuit, ductus, ab incolis interfectus dicitur, cuius historiam in Ecclesia Cathedrali, affabre sanè depictam Tarasci anno 1632, dum illac transirem, me vidisse memini. Duas hoc loco historicas Relationes adjungam de draconibus volantibus, quæ tot tantisque testimoniis comprobata sint, ut neminem esse putem tam perfictæ frontis, qui ea negare possit, nisi forsan is, qui omnem humanam fidem prorsus eliminandam duxerit, quod in sani cerebri hominem non cadit. Una habetur in Historia Religionis Hierosol. Sancti Ioannis à Bosco concinata; Altera in descriptione Helvetiæ à Joanne Cyfato relata; Utramque hic paucis recensēbo. Ex Bosio, qui l. 2. pag. 45, sic dicit.

Anno 1345. Clemente VI. Pontifice, Magno Ordinis Magistro Elione de Villanova existente, res omnibus seculis admiranda & prorsus memorabilis accidit. Erat in Rhodo Insula

non procul ab Ecclesia s. Stephani rupes ingens vastissimo antro subterraneo, ex quo rivus dimanabat, instructa: In hoc antro draco excubabat, monstrum horrendum, ingens, & formidabile visu, quod non universam dunat taxat Orientalis Insulæ partem magna hominum jumentorumque ruina, inaudita saevitia & ingenti ruina infestabat, sed & virulento suo halitu aërem ita corrumpebat, ut nemo sine manifesto vita periculo hanc oram adire posset, adeoque à Magno Ordinis Magistro publico edicto cautum fuerit, ne quispiam cujuscunque conditionis aut ordinis is tandem fuerit, locum adiret; Equitibus etiam sub poena vita, & privationis habitus interdictum fuit, adeoque non immerito loco nomen manserit, *Mal passo*: Erat tum temporis Rhodi Eques nobilissimus juvenis, magna animi corporisque fortitudine praeditus, cui nomen F. Deodatus de Gozon ex Gasconia oriundus; hic indignum ratus, nullum esse ex tot generosis militibus Equitibusque, qui ad tantam damna reparanda, monstro se se opponere auderet, non minus curiositate, quam ad nominis sibi immortalitatem comparandam amore percitus, meliorem occasionem nunquam se obtinere posse existimavit, quam si certamine novo & inaudito cum horrenda hac bellua & truculento monstro, inito, eoque interempto Insulam tot ac tantis malis oppressam, à tanta peste liberaret; atque adeo moliminis hujus firmam tenuit sententia mentem, ut acquiescere diu noctuque non posse videretur, donec propositam sibi expe-

Mira His-  
toria de  
Dracone  
alato in In-  
sula Rhodo  
a F. Deo-  
datis de  
Gozon E-  
quite Hie-  
rolymita-  
no occiso.

Hic est Draco ille alatus et quadripes  
omni aëvo memorabilis, quem Deodatus de Gozo  
Eques Hierosolimitanus, in insula Rhodo eo quo  
descriptissimus stratagemate confecit, qui et ob  
beneficium in Insulam collatum postmodum  
Magnus Ord. Magister Creatus est.



ditionem in opus deduxisset. Quia verò Magni Magistri rigidum & capitale edictum rebatur, totus in eo occupabatur, qua via &

ratione intentum suum, nemine mentis suæ arcano concio obtinere posset. Hac itaq; ratione negotium ordiri coepit: primò formam

Forma  
Draconis.

monstri totius corporis constitutionem, colorum, queis imbuiebatur, diversitatem, clandestino loci accessu obseravit: Draconis forma hæc erat: corpus magni equi aut bovis crassitiem habebat, collum longum & casperum in serpentis caput desinebat, auribus constabat ad similitudinem muli sat prælongis: os horrendo rictu acutissimumque dentibus instruebatur, oculos prægrandes habebat, præfulgidos & veluti ignem spirantes, quaternis pedibus, acutissimis in morem ursi unguibus instructis incedebat, quoad caudam & reliqua membra crocodilo prorsus similes; totum copus durissima squamarum intricatum dispositarum incrustatura armatum muniebatur, duabus alis cartilagineis, lateribus protensis instruebatur, colore branchiis delphini haud absimilibus, è superiori quidem cæruleo, ex inferiori sanguineo flavo mixto imbutis, quo colore & totum reliquum corpus mixtum tingebar; adeò celeri & concitato motu ferrebar, ut nullus equus esset tantæ velocitatis, qui ejus velocitatem, cursu quantumvis celerrimo effugere posset: ita ut partim volare, partim pedibus incedere videretur, quod quando in pabuli inquisitione siebat tum testacearum strepitu squamarum, tum horrendo sibilo, qui longe lateque percipiebatur, etiam quam dissimilissimos metu & formidine penè examinabat. Habet hic formam & actiones draconis eo modo, quo recensui, à F. Deodato Gozonio Equite quam exactissime observatas: Eques itaque sine mora, petita à Magno Magistro licentiā, sub domestica rum rerum expediendarum prætextu in patriam abiit: ubi sine prorogatione draconem ex charta & stappa Rhodensi sive colorum varietatem, sive membrorum totius corporis ductus species, magnitudine fecit prorsus similem & æqualem: deinde in hunc finem equum quam potuit generosissimum bellisque aptum coēmit, cui duos validissimos canes, quos Anglicos vocant, adjunxit. His jam præparatis, draconem stupeum per famulos in hujus officii partem destinatos intrare, eumque apte nunc hoc, nunc illuc incedere jussit, quorum ope per funiculos jam horridus oris rictus aperiébatur, modo cauda in diversas partes torquebatur; nunc alarum complosoione mirum de se vivi draconis instar spectaculum præbebat. *Deodatus* vero contra draconem simulato mentitoque assaltu nunc equum, nunc canes urgebat: atque hoc exercitio cum sese ad bimestre spatiū exercuissest; equus & canes ad omnem industriam instructi, tanto pugnandi desiderio & pruritus tenebantur, ut viso draconे fictitio vix amplius frenis inhiberi posse viderentur, unde de felici *dparevnuaxias* successu jam securus finem larvatae pugnæ imposuit; & sine ulla mora iter Rhodum versus unà cum equo, canibus ac famulis orsus est; Vix dum Rhodum appulerat, dum ecce conceptum jam dudum molimen absque mora in executio-

nem ducendum ratus, constituto die melioris notæ loricā indutus, & firmâ instructus lanceâ, gladioque accinctus pugnæ peridoneo, in Ecclesia s. Stephani à cubili Draconis haud aded remota, prius D E O , s. Stephano &

Divo Iohanni Baptista, tanti momenti negotio commendato, is veritus lethæum processit antrum: famulos vero hinc monitis prius instruendos duxit, ut ii nimirum in altam rupem conscedentes luæ spectatores futuri se recipierint; quod si occiso dracone se vivum adhuc reperirent, aut toxicæ infectione deficientem viderent, ad subveniendum congruis jam ante paratis remedii sibi succurrent; si vero vivo dracone se interemptum viderent, fuga vitæ suæ qua data via, consulerent. His præmonitis, is ingenti animi con-

stantia & fortitudine antrum, draconis cu-

bile ingressus, dum nihil sese mouere senti-

ret, clamore strepituque ad excitandam bel-

luam factò, ex horrido illo sibilo, squama-

rumque strepitu ex interiori antri recessu

monstrum ferale adventare advertisset, is

simul etiam in planitem, locum pugnæ aptum

progressus, monstrum expectavit; quod tan-

dem viso equite, opimæ prædæ spe allectum,

concitatissimo & cursu & volatu in eum ma-

gno impetu irruere cœpit; Antagonista verò,

equo & canibus, uti jam diu multumque ad

draconom expugnandum instructis, affuefa-

tisque, ita quoque horridum monstri

filum metuentibus, draconem, qua parte daba-

tur, invadunt; Eques interim impetu factò

vibratam lanceam præduræ draconis incru-

staturæ adeò valide impegit, ut vel ad pri-

num iustum lancea confracta præcipuo armo-

rum subfido privaretur; & quoniam canes

arreptis genitalibus mirum in modum bel-

luam torquebant, & quæ uti se contra canes

defendebat, ita nonnihil quoque temporis

Equiti ad certamen reparandum reliquit; is

itaque gladio & scuto munitus pedestri cer-

tamine, commodius adorandum ratus, ex

equo descendit, quod ubi monstrum adver-

tit, mox posterioribus pedibus insistens, an-

terioribus verò erectum sinistra Equitem,

dextra scutum horrendis, quæs instruebatur,

unguis comprimere tentabat, Eques mol-

liori colli parte comperta, gladium ei adeò

valide adegit, ut inde ingentem mox sangui-

nis copiam educeret, & quoniam ex dolore,

quo premebatur bellua in rabiem aëta quan-

to propius se competitori admovet, tanto hic

gladium altius intra viscera impegit, donec

gladium instar ferræ crebra hinc indè dilata-

tionate integrum collum aperiret, quo fa-

cتو monstrum ingenti sanguinis profluvio de-

bilitatum concidens mole sua equitem, tum

horrendi certaminis laboribus exhaustum,

tum ingenti, quam ex aperto corpore exhalabat mephiti intoxicatum, viribusque jam

fatiscentem unâ ita opprescit, ut penè exani-

mis videretur: Quo viso famuli monitorum

datorum memores, illico derelicta rupe la-

boranti

Cursus ve-  
locitas.

Mirum in-  
genium  
Deodati.

boranti hero opem laturi advolarunt, jamque pene examinem dominum oppressumque remotâ bellua eruunt; & quia nonnulla adhuc vitæ signa in eo notabant, continuo è vicino rivo in pileis allatas aquas frigidas toti superaffuderunt Heri corpori, qui cardiacis deinde fomentis restauratus cum jam viribus sensim restitutis in se rediisset, equum concendit, atque in urbem gloria peracta victoria reversus *Magnus Magister* rem gestam ordine narravit, & ubi ingentem ex facinore adeo publico bono fructuoso gloriam & remunerationem sperabat, ibi contrariam fortunæ aleam incurrit, siquidem *Magnus Magister* convocato consilio publica reprehensione, tum de temeraria & præsumptuosa audacia, tum de rigidi editi violatione increpitum, habituque Equitum in exemplum aliorum privatum diro carceri mancipavit; Interim publicata per Insulam interemptione draconis, magnus ubique de generosa Equitis resolutione plausus, & de liberata Insula à tanta, quam illi horridum & insuperabile monstrum inferebat, calamitate congratulatio exorta, laus equitis universam resonabat Insulam; queis motus *Magnus Magister* consideratisque Equitis immensis meritis, non tantum exempto è carcere habitum restituit, sed ad primos Ordinis dignitatis gradus pro-

movit, qui in eum dignitatis statum exaltatus ea prudentia atque in arduis negotiis dextre expediendis judicii animique fortitudinis specimina edidit, ut post quadriennium *Magnus Magistro Elione de Villa nova* fatis cedente, is omnium suffragiis & calculis in *Magnus Magisterio* successor eligeretur, cuius etiamnum in laudem ejus hæ inscriptiones circumferuntur, teste *Hieronymo de Megissero*: Deodatus de Gozano *Tusserpent Dracoris extinctor*, *Magister de provincia III. Dracone extincto antequam magistraret*. Altera ipsius effigie subscripta sic habet: *F. Deodatus de Gozano. Hic anguem immensam molis orbibus terribilem miseros Rhodi incolas devorantem strenue peremis, deinceps Magister creatus est Anno Domini 1349. Hæc fusiū forsitan, quam par erat, deducenda duxi, ut ex omnium notissima historia dracones alatos in rerum natura & extitisse, & etiamnum existere obstipi capitis homines credere disserent. Figuram draconis unā cum certamine, quam mihi Illustrissimus Eques Melitenis communicavit, hic apponenda censui. Narrat Aldrovandus paulo antequam Hugo Boncompagnus Card. ad Pontificatum electus orbis Christiano sub Gregorij XIII. nomine clareret in Agro Bononiensi Draconem inventum fuisse, ejus figuræ quæ sequitur, de cuius origine & genesi alibi fusiū rationabimur, in hoc opere.*

Deodatus  
de Gozono  
in ma-  
gnum Ma-  
gistrum  
ordinis eli-  
gitur.

*Hic Dracunculus occitus Kasj doπoūs  
paulo antequam Hugo Boncompagnus Card. ad  
Pontificatum assumetur sub nomine Gregorij  
XIII. Bononiae captus etiamnum in Museo  
Aldrovandi mortuo fatus spectatur.*



Et quia incredulis non sufficit unam audiisse historiam, alias subiectam non minori admiratione dignas, quas in suo de quatuor Helvetiorum Sylvaniarum civitatum descriptione libro, Germanico idiomate impresso, jam dudum publici juris fecit *Ioannes Cysatus Helvetus*, ubi nullam hujusmodi draconum majorem copiam, quam in Helvetia comparuisse multis exemplis docet: Cumque non ita pridem nobilem virum *Christophorum Schorerum Solidurani territorii praefectum* litteris de veritate historiarum consuluerem, non ea tantum, pro illa, qua pollet, rerum expe-

rientia, verissima esse confirmavit, sed & se rei veritatem propriis oculis comperisse scripsit his verbis: *Dum anno 1619. noctu cali serenitatem contemplarer, ecce præfulgidum draconem ex immensi scopuli antro montis, quem Pilati vulgo vocant, ad aliud in opposita lacus parte, antrum quod Flue vocant, alis celerrimo modo agitatis transvolare vidi; forma erat prægrandi, caudâ longâ, collo protenso, caput in serpentis seriatum bratum definebat, dum volaret, de se scintillas, non secus ac quando candens in incude fabri ferrum tundunt, spargebat; tenebam primo meteorum quoddam me videre, sed postquam dili-*

Draco vo-  
lans an-  
no 1619.  
In Helve-  
tia vitus.

genter singula observavi, verum draconem fuisse ex ipso motu membrorumque omnium constitutione cognovi. Hac Reverentia vestra scribo, ne de vera draconum in rerum natura existentia amplius dubitaret. Idem clarissimus vir in aliis dum haec scriberem literis ad me datis, ait, se cum Venatore quodam tale quid comperisse: Nomen huic erat Paulus Schumperlin, qui nondum montem, quem Elue nominant, venandi causa ascendens, juxta ingentis speluncam ostium Dracorum stabulanter anno 1654. circa Festum S. Jacobi, offendit; erat ei caput serpentinum, collum & canda longitudinis equalis, pedibus 4. à terra pedem unum & amplius erectis gradiebatur, toto corpore squamatus, nec non variis maculis partim griseis, partim albis fulvisque conspersus. Caput habebat equi haud absimile; qui mox ac eum confinxit, magno squamarum sonitu intra specum se recepit: Hisce jungit in monte alio huic vicino, vulgo Staffelwand dicto, intra abditum quoddam antrum skeleton Draconis anno 1602. inventum fuisse: qui ruina montis ex tremoto succus oppressus fuerat. Hac dictus eximius vir Christophorus Schorerus in literis supra allegatis, ad me datis.

Lapis à Dracone dimisus adhuc Lucernæ conservatur.

Narrat Cystatus aliud haud dicto dispar: dum enim rusticus foenum meteret, vidit ex monte Pilati ad oppositum montem ingentis molis draconem, quod viso, parum abfuit, quin metu examinatus conciderit, obsevavit tamen, illum à se liquorem quandam dimittere, quem in se revertens in prato quodam invenit sub concreti sanguinis specie, & intra eum lapidem varii coloris, qui in hunc usque diem Lucernæ tanquam inestimabilis pretii cimelium conservatur, omnibus morbis, præsertim venenosis & pestiferis, præsentissimum, uti acta testantur, remedium. Sed jam ad Cystati descriptionem progrediamur: Recenseris quatuor memorabiles hujus argumenti historias in citato libro: primam Hi-

storiam suæ Germanica lingua impressæ folio 175. narrat, quam latinis verbis sic reddo: Est in Bernensi Territorio per antiqua Urbs Burgdorpium dicta, à duobus fratribus, quorum prior Syntram, alter Beltram dictus fuit, Duces Lenzenburgenses: His anno Christi 712. venatum per immensas illas solitudines montiumque recessus intimos abeuntes, multumque hinc inde errabundi in scopulosum montem inciderunt, ubi ferate immensa molis monstrosus, Draco, inquam, in profundo antro stabulabatur, qui ingenti saevicie susque deque vertens omnia, regionem animalibus vidiudabat; hic mox ac Equitum adventum advertit, veluti de preda cupidine tripudians, in eos adeò grandi impetu irruit, ut statim juniorum fratrem Baltramum vivum absorpsit; Syntram verò adeò fortiter, quā hastis, quā gladiis comitum ope se le bellum opposuit, ut tandem eam peremerit, scissisque bestie ventre fratrem adhuc spirantem inde extraxerit, eodem prorsus loco, ubi hodie juxta Bernam Sacellum S. Margaritæ spectatur; quod ad rei patratæ memoriam ipsi Duces exbruxerunt, historiamque depingi curarunt in hunc usque diem spectabilem.


Altera historia legitur in citato Authore, folio 168. quam & Siumpius l. 7. c. 2. confirmat:

Antequam, inquit, Sylvania inhabitaretur, ingens draco in vasto quodam montis antro prope Weylam pagum excubans, adeò in homines animaliaque saeviebat, ut indigenæ pago relicto alio se transferre cogerentur, hodie adhuc inde ei nomen Odeweyla, id est, deferta Vyla nomen retinuerit. Erat tunc temporis nobilis vir & generosus, nomine Winkelried hisce in partibus, qui ob nescio quod homicidium, extorris patriæ in exilio vitam degebat, hic auditis damnis, que dictus draco toti territorio inferebat, Magistratus significavit, Dracum se perempturum, si eum ad pristinam libertatem restituerent: Magistratus accepta conditione oxinem se satisfactionem habiturum promisit: Eques ergo locum feralem draconis petens, lancea

Mirus casuis.

Alterius draconis à nobili quodam viro interem, pti.

Draco Helveticus bipes et alatus



& ingenti gladio armatus draconem ad certamen provocavit; paraverat autem prius fascem ex longissimis spinis compositam, quam lancea summittati affixerat; Draco itaque dum velocissimo impetu in

eum irrueret, is fascem intra apertum faucium hiatum una cum lancea adeò valide impegit, ut is non jam de equite vorando, sed à spinoso bolo se liberando occuparetur; interim Eques gladio, qua data

*data molliori parte, impacto, tandem belluam conficit. Verum enim verò cum jam gladium sanguine madidum in letitia signum in altum projiceret, ecce sanguis venenosus intra nudam carnem defluens, tantæ virulentie fuit, ut qui jam se vitorum credere, vindicante se draconis sanguine vinceretur, paulò post extinctus. Figuram Draconis ex Helvetia mihi transmissem, hīc apponendam duxi.*

*Mira Historia de Vietore quodam, semestris patione cum duobus Draconibus habitante.*

**J**ungam hoc loco Historiam ex suprà allegato *Cysato*, cui vix fidem adhiberem, nisi tot testimoniosis, in Ædil Anathemate publico Lucernæ in Ecclesia Sancti *Leodegarii* superstite, hujus rei teste, eam vèram esse convincerer: Ita autem res sese habet:

Admiranda Historia de duobus Draconibus alatis.  
Erat in civitate Luceniensi apud Helvetios Vietor, qui dum quodam die ad fabricanda dolia congruam materiam inter condensos sylvarum scopulorumque Alpestrum recessus quæreret, nescio quo fato, hisce laberyntheis immensæ solitudinis diverticulis intricatus ubinam esset, & quomodo viam derelictam reperiret, nesciret, totoque die hinc inde errabundus magnam noctis partem vagaretur; quieti nonnulli ex contracta lassitudine indulgens, dum sub crepusculi initium ulterius viam suam prosequitur, neque ingentem voraginem sibi obviam ex lucis debilitate prævideret, in eam incidit, ita tamen, ut molli luto, quod in fundo voragini squalebat, impactus, nihil aliud corporis incommodi, præter deliquium, quod ex nimia mentis anxietate & ruinæ metu incurrerat, pateretur. In se itaque reversus, cum voragini altitudinem vidisset, humana arte insuperabilem ( erat enim putei ad instar seu circi, altis & scopulosis undique lateribus præclusi ) sese humana ope desperata ad Divanam magno animi furore convertit, Deum Matremque continuis sollicitando precibus votisque, ut eum ex tam miserabili statu liberarent: sed complacuit Divina Majestati, majori eum ad meitorum cumulum afflictione exercere. Erant in lateribus dictæ voragini cryptæ profundæ, & undique in longum latumque protensa, quas dum aptam habitationem inquisitus ingredieretur, ecce mox duos horridos dracones sibi obviam habuit, quorum intuitu penè exanimatus dum puteum repetit, identidem sese Deo eiusque matri contra tam immania monstra, magna lachrymarum profusione implorare non cessavit, & dracones quidem tametsi corpus ejus nunc cauda, nunc collo stringerent, ei tamen nullam autnoxam, aut violentiam intulerunt. Quisnam verò misero in tam formidabili & inaudita societate draconum animus esset, facilius quispiam animo concipere, quam verbis sufficienibus describere poterit. Vidisses hic Danieliem non in Leonum sed draconum lacu

commorantem: Commoratus est tamen, non unum diem aut septimanam, sed sex integris mensibus, à sexta Novembris, usque ad decimam Aprilis. Sed quo cibo vitam sustentasse putabis? audi & obstupesce. Viderat is, quod dicti dracones nullo alio, toto hyberno tempore, cibo vescerentur, præter salfugineum quandam liquorem ex scopulorum parietibus exsudantem; undè dum omnibus ad vivendum necessariis destitueretur, draconum exemplum secutus, & ipse dictum parietum liquorem lambere & lingere aggressus est, quo refocillatus nonnulli hoc ciborum generi vitam ad semestri spatum traduxit. Sole itaque æquinoctialem lineam transeunte, cum aer jam tepidior calore Solis sentiretur, monstra quoque, dum jam tempus adesse, quo è latebris subterraneis emergerent, pabulis quærendis aptum, advenisse sentirent, prior quidem magna alarum agitatione præmissa ex putoe confessim evolavit, quod alter dum idem tentat, Vietor hanc se liberandi optimam occasionem ratus, belluæ caudâ apprehensâ, extra putoeum, nullo unquam simili spectaculo viso, deportatus fuit; ubi dimissis draconibus, Divina utique directione statim semitam invenit, qua Lucernam reversus, suos, qui eum jam dudum perditum credebat, invisit, & quæ sibi contigissent, stupentibus omnibus, & historiam, qua nulla unquam formidabilorem contigisse arbitrabantur, præ admiratione attonitis ordine exposuit. Et quoniam Magnæ Matris Deiparæ intercessione liberationem à tam horrendo statu obtinuerat, in perpetuam rei memoriam & posterorum admirationem, testem esse voluit vestem Sacerdotalem, quam *Casulam*, seu *plantam* vocant, in qua totius rei seriem acu pingi jussit, quæque & in hunc usque diem Lucernæ in Ecclesia Sancti *Leodegarii* superstes, omnibus peregrinis ostendi solet. Vietor verò totus ad Deam conversus, dum cibum amplius usitatum ex stomachi corruptela sumere non posset, bimestri spatio post ejus è lacu draconum exitum, piè in Domino obdormiit.

Multa, fateor, in hac historia continentur, quæ vires naturæ longè superant, undè supernaturalem eius vitæ in tam horrendo barathro, statum fuisse, omnino concedendum est. Ex hisce & similibus historiis, quisque facile colligere poterit, falsa non esse, quæ de draconibus alatis passim apud Authores reperiuntur. Verùm ne quicquam ad curiositatem Lectoris deesse videatur, jam originem & genesis draconum exponamus.

#### *De Genesi Draconum.*

**M**erito quispiam dubitare posset, undè & ex qua materia tantorum monstrorum genesis originem suam habeat, & cum hucusque inventus sit nemo, qui de hac quicquam scriptis tradiderit, nostrarum partium esse scripti sumus, hoc loco, quantum nostri imbecillitas

litas intellectus permittit, hanc δρακοντογένεσιν evolvere.

Monstra  
plerumque  
ex diverso-  
rum semi-  
num con-  
fluxu na-  
scuntur.

Apes ca-  
pite bo-  
vem refe-  
runt.

Scarabæi  
capite  
equi.

Vultures &  
Aquila ve-  
niantur o-  
mnis gene-  
ris anima-  
lia.

Quomodo  
cadavera in  
montium  
speluncis  
paulatim  
in putredi-  
nem ab-  
eant.

Notum est omnibus Medicis & Physiologis, ex diversorum seminum confluxu, diversæ specie animal generari, quod non solum in perfectis animalibus, ut in mulis, tragelaphis, camelopardalis similibusque accidit, sed & in humano foetus ex diversæ speciei seminibus in utero vel feræ, vel foeminæ coaliti productione, cujus tot exempla occurruunt, quot monstra ἀνθρωπίμορφα apud *Lycostenem* aliosque horum Scriptores occurruunt; Sed & hoc maximè & per frequenter in insectis accidere, admiranda eorum metamorphosis fat superque testatur; siquidem ex stercore bovinu apem nasci, cuius caput si quis exactius considerat, eam bovinum caput exactè referre, asserere cogetur, uti fusè, *Capite de Hieroglyphico bovis in Obelisco Pamphilio ostendimus*; quod & in scarabæis cornuto capite, equi, ex cuius excrementis nascuntur, capiti haud absimili patet; bruchus quoque, quem ob cornuum cervi, ex cuius excrementis nascitur, similitudinem, *tragelaphum* vocant, cornibus suis clare testatur: Verbo, excrementa perfectorum animalium semper infectum aliquod generant, animalibus, ex quibus generantur, si non quoad totum, saltem quoad partem aliquam, simile exprimunt; de quibus alibi fusi. Hisce præmissis, quomodo itaque in inaccessis montium antris, in vastis solitudinibus dracones generari queant, paucis exponam.

Constat frequenti observatione, istiusmodi loca, ubi Dracones unquam visi sunt, aquilis, vulturibus, & similibus rapacibus volucribus referta esse; ingentes autem vultures in Alpium rupibus scopolisque inaccessis inuidulari, adeò notum est, ut de eo amplius mentionem facere pigrat. Rhodus vero Aquilis robustis abundare, *Dominicus Niger* in sua *Geographia* tradit. Hæ volucres uti ex se & sua natura rapinae perpetuo intentæ in venando interdiu toti occupantur, ita quoque omnis generis animalia, serpentes, volucres, lepores, agnos, canes, imò pueros subinde abreptos in interiores montium speluncas in escam abducunt, ubi ex continuata venatione in eam molem paulatim multorum testimonio coacervantur, ut quemadmodum tantam cadaverum multitudinem absumere nequeunt, ita ea quoque paulatim in putredinem generationi aptam verti, necesse sit: Quoniam vero in cadaveribus quorūcunque tandem animalium semper, uti *Libro XII.* demonstrabitur, nonnulla feminis portio remanet, fit ut ex vario seminum confluxu in disposita jam putredinis fermentata materia animal nascatur, quod primò vermem ex putri, deinde semine in quadrupedis cadavere latente, vermis in aliiquid simile animali quadrupedi animalmetur; leporinas forsan aures prælongas ex operatrice feminis idea in aures efficiendas corradiante, obtineat; quia vero & volucris,

cujuscunque tandem semen in putredine locum habet, fit, ut illud semen, cum aliud non possit, saltem alatum quid vermi jam quadrupedi, si non pennigerum, saltem cartilagineum jungat; pari pacto, cum magna serpentinum copia ibi coacervata est, ex femine serpentina cauda, collum, caputque ei serpentis jungitur; atque adeò serpentis embryo ex diversorum seminum mixtura formatur, qui successu temporis in ingentis molis draconem excrescat. Qui si plures differenti sexu enascantur, uti primò ex putri natales suos obtinuerunt, ita quoque naturali postea coitus sese, uti & reliqua insecta, quæ ex putri nascuntur, sese propagare possunt. Ne tamen tantæ pestis multiplicatio in ingens Naturæ damnum cederet, Natura huic optimo jure providisse videtur, ut plerumque unus tantum draco in subterraneis montium speluncis nasceretur, ex variorum animantium differentibus seminibus, quam vim spermaticam in cadaveribus adhuc remanere tum demonstrabitur, cum in *XII. Libro*, de admiranda feminis vi ex professio tractabitur.

Quæritur itaque, cur semina non integrum aliquid producant? Respondeo id fieri ob confusionem seminum, quæ dum unumquodque agit, quantum potest, ex confusione tamen accidit, ut singula cum totum ex resistentia materiæ producere nequeant, saltem partem ipsis similem producant, unde dum singula aliquid ex suo conferunt, hinc deforme illud & monstruosum draconis corpus nascitur.

Quæritur Secundò, cur igneti spirare videantur dracones? Respondeo, illos viscera quadam materia, cujusmodi nonnulli pisces & putrida ligna & cicindulæ constant, innata luce fulgente confitare, quæ in tenebris vel maxime elucet; unde homines dracones vel coruscos intuentes, ignis corporibus confitare sibi imaginantur. Quæres, unde illis durissima illa squamarum incrustatura proveniat? Respondeo ex eadem dispositione materiae, qua testacea animalia armantur, provenire; videlicet ex mucosæ, & tenacissimæ visciditatis humore, quæ in extima superficie ambiente indurata in corneam duritatem paulatim degenerat.

Ex hisce luculententer constat, ex putredinis à diversa feminum confusione provenientis fermentatione multifarium animal nasci posse. Gallum sane serpentum ovum devorantem, Basiliscum generare, notum est: quia semen in ovo serpentino latens paulatim vires suas exerens, animal Ἀλεξανδρικόν, id est, ex serpente & gallo constitutum animal proferat; talis fuit gallus ille monstruosus, quem Magnus Dux Hetruriæ Franciscus Florentiæ multis annis in Horto Boboli spectandum exhibit, qui cristâ, ocreis, calcaribusque, toto denique corpore gallum quidem exprimit, at serpentina cauda flexuosa, & in varias convoluta spiras, nescio quid draconis simile de-

Unde fiat  
diversitas  
illa mem-  
brorum in  
draconi-  
bus.

Semina di-  
versa con-  
fusa inte-  
grum ali-  
quod &  
perfectum  
animal ge-  
nerare non  
possunt.

Monstruo-  
sus gallus  
in horto  
Magni  
Duci He-  
truriae.

monstrabat, utpote ex ovo gallo-serpentino natus. Hoc pacto Berniclae in Scotia vicini que locis nascuntur: Nam ova in mari glaciali ab anatibus & anseribus innumerabili multi-

tudine, uti Batavi in sua ad Arcton navigatio memorant, deposita, soluta glacie rupta, semen eorum maris agitatione in vicina Orcadum & Hebridum littora pulsum, ibi

Anates  
Scotiae  
quomodo  
nascantur.



*Gallus φιομορφός, Serpentina cauda conspicuus. Florentiae in horto Magni Duciis Henricae Francisci ea forma qua hic exprimitur omnium admiratione visus.*

que mucori navium adhærens tandem insita quadam climatis proprietate ex præsupposita seminis materia in anatem aut anserem ani-

matur, ad quos producendos vel minima se- minis portio sufficit. Sed hæc de Draconibus sat dicta sint.

### CAPUT III.

#### *De Hominibus Subterraneis.*

**H**abitationes hominum subterraneas fuisse, & etiamnum esse, plena sunt omnium penè Historicorum monumenta: Dupliciter autem considerari possunt: Vel enim concavas & scopulosas terrarum regiones cryptasque incolunt, & hi vel in opia rerum aut commoditate loci, illuc se se contra aëris temporisque injurias tutando repererunt; alii verò vel bellorum turbulenteris temporibus profligati, intra montium vastissimas regiones unâ cum rebus ad viëtum necessariis, concesserunt: ex quibus postea dum exitum non reperirent, ibidem remanere coacti sunt: ubi & propagatione factâ perpetuâ inclusi, ac commoditate loci ad

feminandum arandumque terrenum allesti, inevitabilis necessitatis lege remanserunt. De illis primò dicam, de hisce postea differemus.

Civitates subterraneas *Gaffarellus* in suo de *Cryptis toto Orbe celebribus*, Libro fuse describit: Cujus rei veritatem non credidisse, nisi ego hujusmodi habitationes tribus in locis propriis oculis lustrasse: Cum enim anno 1637. Melitæ commorarer, contigit, ut quodam die cum Ordinis Hierosolymitani Magistro *Ioanne Lascari*, in villam quandam amoenitatem & deliciis refertam, quod *Buschetum* vocant, concederem: Ubi cum de natura & proprietate Insulae variis ratiociniis ultrò

Melitæ ho-  
minum  
subterra-  
nea habi-  
tatio.

Quomodo  
homines I.  
subterra-  
neas partes  
inhabitare  
caperint.